

Parlamento Hubenil cu bunita proyecto di "Ban Planta Mata" na scol



ORANJESTAD (AAN): Minister Hubenil di Medio Ambiente di parlamento Hubenil cu ta Tracy van der Biezen a papia riba un proyecto di Ban Planta. E lo cuminsa dia 3 di juni pa 7 di juni. Na scolnan basico lo ehecuta e plan di mata di planta. Hunto cu Santa Rosa y Fundacion Aruba Conciente esnan di Parlamento Hubenil lo bin cu e plan aki.

Tracy van der Biezen di parlamento Hubenil durante e conferencia di prensa a splica cu nan ta mira hopi asphalt na scolnan y falta mas mata. Kier concientiza e hobennan mas riba plantamento. Despues di vacacion grandi lo sigui cu e proyecto.

Nan lo haya basta simiya organico y Santa Rosa lo duna

nan matanan. Frutanan local nan lo concentra riba dje. Lo purba planta berdura tambe. Lo cuminsa planta matanan den potjie y despues lo bai over na bakinan mas grandi.

E proyecto tin dos fase. Tin di planta y cuido. E muchanan ta carga nan responsabilidad di cuida e matanan. Ta importante pa e muchanan tin un mentalidad sano riba loke ta medio ambiente. Tin un proyecto tradicional cu ta wordo usa den e proyecto Ban Planta. Semper ta bon pa sinjanan e muchanan dikon ta bon pa bai planta segun Di-Angelo Schenker di Santa Rosa.

Irvin Leest di Fundacion Aruba Conciente y compania Mi Simiyalo sostene e iniciativa di Parlamento Hubenil. Mi

simiya lo supply e simiyanan. Segun e productonan cu wordo produci por sigui parti e simiyanan na otro scol. E proyecto mester bira uno sostenible tambe.

Irvin Leest a splica cu semper ta bon pa sinja con pa traha conciente tambe cu e uso di awa y tin bon cosecha. Di-Angelo Schenker di Santa Rosa a splica cu nan lo yuda cu gordura y tambe e parti di plantacion. Lo yuda tambe e parti di irigacion.

Nan a entrega caba material na e scolnan sperando e fecha pa cuminsa planta. Na otro scolnan tambe nan a planta caba y el a bai hopi bon. Den team nan ta keda monitorea esaki.